

9

D. O. M. A.

DE NATURA

FULMINIS, SECUN-

dum historias admirandas,

ET

DE OPINIONE PARA-

CELSI, collata cum veterum Physico-
rum sententijs in ea materia,

*De quibus exercitiū publici loco Disputatio erit
in illustri Casimiriano apud Coburgenses,*

PRÆSIDE

ANDREA LIBAVIO M.D.P.C.

Gymnasij Directore & Prof. Pub.

Respondente

GEORGIO EISENBINNERO

COBURG. Studioso publ.

Ad xviii. Februarij ANNO

MDCXV.

COBURGI Typis Casparis Bertschij.

*Reverendo, doctissimoq; Viro, pietate, humanitate, atq; eſodoſiore
Lutherana laude preſantiſſimo.*

Dn. M. JOHANNI FABRO,
aulæ Coburgensis Concionatori, ibidemq; reve-
rendi, ac magnifici Conſiſtorij aſſeſſori digniſſimo, itemq;
illuſtris Gymnaſij Caſimiriani Theologiæ Profeſſori
fideſiſſimo,

Clariffimo & Conſultiſſimo Viro,

Dn. JOHANNI ADAMO TRUMMERERO,
J. U. D. cognato, & amico ſuo multum
honorando,

*Reverendo, & pietate, multijugæ eruditionis cognitione
conſpicio Viro,*

Dn. JOHANNI ALDENBURGIO
Seniori, Eccleſiæ Coburgenſium Diacono
vigilantiſſimo,

*Specuſſiſſimo ac integriſſimo, variarumq; rerum uſu
& experientia preſantiſſimo Viro,*

Dn. JOHANNI ALDENBURGIO
juniori, LL Cand. Republicæ eorundem Archi-
grammateo digniſſimo, amico & ſatori ſuo
ſingulari:

*Dn. Mecænaſtibus, patronis, ac promotoribus ſuis omniſ
obſervantia cultu nunquam non aſſuetudis,*

Hoc Phyſici ſtudiij exercitium

Lumiliter dedicat ac offert

Reſpondens

Georgius Eiſenbinnerus.

De Fulmine Notabilia.

I.

R

Esert *Guilhelmus Fabricius Hildanus*, peritissimus ille nostri temporis chirurgus, observatione 26. centur. 3. i. chirurg. Nobilem quandam cum duobus famulis *Erburgum* equitantes in itinere fulmine sic percussus fuisse, ut duo equi cum famulo a latere statim interirent, ipse cum altero ad iaculum lapidi præcedente, quanquam iidem prostrato, excepta aliqua in hoc auditus læsione, incolumis evaserit.

2. Mira autem vis fulminis fuit. In equi & famulo mortui nulla externa violentia apparuit excepto capite famuli, quod paulo post intrumuit, & nigrum evasit. Pileus quoque ejus satum magno foramine suis percussus. Nobilis sinister cubitus tactus sine alia læsione maculam nigram in cute accepit. Fulmen manicam 1 horarum, & interu'la perfodit fori parva, intus magna ruptura. Inde descendit ad brachiale, ibique globulos corallinos integro filo perfiecit. A manu incumbente ensi capiti intravit. Vaginam holosericeam, & salva illa cuspidem gladij instar plumbi liquefecit, perque capsam ferream, qua vagina extremum erat munitum, rotundo foramine facto penetravit, atque ita relictu piceu maculis in utroque poplite, & sura illa sis ocreis, & cute decessit.

3. Hoc fuisse illud fulmen, quod *Seneca* descripsit lib. 2. natural. quæst. cap. 31. & 52. statim apparet. Mira, inquit, fulmini si intueri velis, opera sunt, nec negaveris quicquam dubij relinquenda, quin divina illi insit, & subtili potentia. Loculi integri & illæsis conflatur argentum; manente vagina gladius liquefit, & in violato ligno circa pila ferrum omne distillat. Stat fracto dolo vinum, nec ultra triduum rigor ille durat. Illud æquè inter annotanda ponas licet, quod & hominum, & cæterorum animalium, quæ ista sunt, caput spectat ad exitum fulminis: quod omnium percussorum arborum contra fulmina bastula surgunt. Quid quod malorum serpentium, & aliorum animalium, quibus mortifera vis inest.

cum fulmine icta sunt, venenum omne consumitur? In venenatis corporibus verminis non nascitur. Fulmine icta intra paucos dies verminant. Valentiora quia resistunt, vehementius dissipant, cedentia nonnunquam sine injuria transit. Cum lapide ferroq; & durissimis quibusq; configit, quia viam necesse est per illa impetu quarat. Itaq; facit viam, qua effugias; teneris & rarioribus parcit, quam & flammis opportuna videantur, quia transitu patente minus sevit. Interdum in eadem materia multa diversa ejusdem vi fulminis facit; sicut in arbore quod aridissimum est, urit, quod solidissimum & durissimum, terebat & frangit: vinum gelat: ferrum & as fundit. Illud est mirum, quod pingui fulmine gelatum, cum ad priorem habitum redijt, potum aut exanimat, aut dementes facit. Inest fulmini vi pestifera. Ex hoc aliquem remanere spiritum in eo humore quem coegit, gelavitq; verisimile est. Nec enim alligari potuisset, nisi aliquid illi esset additum vinculum. Præterea olei quodq; & omni unguenti seter post fulmen odor est: ex quo apparet inesse quandam subtilissimo igni & contra naturam alio pestilentem potentiam, qua non tantum icta cadunt, sed & afflata. Præterea quocumq; decidit fulmen, ibi odorem sulphuris esse, certum est, qui, quia natura gravis est, sapius haustus alienat. Hæc Seneca copiose, partim historica, partim ætiologica. Talia habet & Paracelsus cap. 8. meteoricorum,

4. Plinius non omni fulmini ista mira tribuit, sed tertie speciei solum. Ita enim inquit cap. 53. lib. 2. Fulminum plura genera traduntur. Quæ sicca veniunt, non adurunt, sed dissipant: Quæ humida, non urunt, sed infusant. Tertium est, quod clarum vocant, mirifica maxime natura, quod dolia exhauriuntur intactu operimentis, nullosq; alio vestigio relicto: aurum, æs, & argentum liquatur intus sacculi ipsis nullo modo ambusti, ac ne confuso quidem signo cera. Marcia, princeps Romanarum, icta grævida, partu exanimato, ipsa citra ullum aliud incommodum vixit. M. Herennius decurio sereno cælo fulmine ictus est. Hæc Plinius. Alij historici addunt plura, nosq; ipsi multa observavimus, ut aliquando incensas esse ades & templa, cujus descriptio egregia apud Lucanum extat, ubi Casarem fulmini comparat: aliquando percussas tantum fissu ligni: aliubi vim ferramenti solum illarum; & ossa fracta cute illata cum carne &c.

5. Seneca cap. 40. lib. 2. g. nat. rationem reddit à generibus fulminum.

Fulminum

lib. 1. Pharsalia.

Fulminum genera (inquit) sunt illa, quod terebrat, quod discutit, quod urit. Terebrans subtile est, & flammeum, cui per angustissimum fuga est ob syn-
ceram, & puram flamma tenuitatem: Dissipans conglobatum est, & habet
coactam vim spiritus coacti, & procellosi. Itaq; illud fulmen per id foramen
quod ingressum est, redit, & evadit. Hujus late sparsa vis, rumpit icla, non
perforat. Tercium illud genus quod urit, multum terreni habet, & igne-
um magis est, quam flamineum. Itaq; relinquit magnas ignium notas, quae
percasu inhaereant: Nullum quidem sine igne fulmen venit, sed hoc pro-
prie igneum dicimus, quod manifesta ardoris vestigia imprimit. Quod urit
& fuscit, tribus modis urit. Aut enim afflat, & levi injuria laedit, aut com-
burit, aut accendit &c. Item: Quo icla fuscantur, id aut decolorat, seu
colorem viriat, non mutat: aut colorat, seu alium, quam fuit, colorem in-
ducit &c.

6. Putat autem Seneca fulmen fieri collisis nubibus, quasi causa
emissionis fulminum sit nubium collisio, quam Thوسي putarunt fato fieri, ut
fulmina ederentur aliquid futuri signiatura, & sic significatio sit prima
causa movens fatum. Nubium inter se compressarum angustia medium
spiritum emittunt: hoc ipso inflammant, & tormenti modo ejunt. Inter
fulmen & fulgurationem hoc interesse dicit, quod fulmen plus virium habeat,
& in terras usq; perducatur; fulguratio non sit adeo impetuosa ut in ter-
ras perferatur; utrumq; vocat ignem. Fulmen est ignis coactus, & impetu
jactus; Fulguratio est ignis late explicitus. cap. 12. lib. 2. ait, Fulminatio est
jaculatio ignis cum iclu. 57. Fulmen est fulgur intentum. cap. 1. ejusdem libri
trabes, globos, fauces, ardores, trajectoryes, & fulmina statuit eodem modo fieri,
sed fulmina majore, illa minore vi. Ut: nubes mediocriter collisa fulgura-
tiones efficiunt, sed majore impetu pressae, fulmina: Sic quanto illas minus
perferit, tanto leviora fulmina emittunt. Hae ibi Seneca, qui & ignes
lambentes fulminibus comparat, quasi destuerent ut fulmina, sed non scri-
bent, insisterentq; tantum.

7. Interdum ex Anaximandri sententia spiritum vocat, ut fulmen sit tur-
sus, acrioris, densiorisq; spiritus, qui magno impetu latius efficitur foris, & ignem.
Hae autem est Aristotelis quoq; sententia in 3 meteor. cap. 1. Si in nule (inquit)
multus & tenuis extendatur spiritus, fit fulmen. Hoc si valde est tenue, non adu-
rit; si crassius, adurit. Illud, quod Poeta dicitur & vocant, propter tenuitatem

ὁ καπνὸς
πνεῦμα
ἢ καὶ πῦρ.

ferant, & propter celeritatem penetrat, antequam igniat, & coloret: Hoc quod
φολέοντα appellant, cardius claret, & colorat quidem, at non adurit, sed prius
penetrat. Unde & quae resistunt, patiuntur aliquid: quae non resistunt, non la-
duntur. Clypei as liquefit, sed ligum saluum permanet. Et neq. vestimentu
urit, sed quasi attritionem, ὡς ἐν τῷ πνεύματι τῶν πάντων, διὰ τοῦτο τῶν τοιούτων id quod deo
claret templi Ephesini incendio. Semper oportet putare spiritum conjunctum
esse fulmini (σωαν ἀπολεθεῖν) & praedicere licet non videatur. Διὰ τὸ ἀχρεο-
μάλιστον εἶναι. Itaq. etiam qua debet ferire, ante q. percutiat, movetur, prin-
cipio spiritus prius invadente. Tonitru & fulgur una est, quia spiritus idem per-
cussionem facit, & sonum. Haec Aristoteles de fulmine, qui de fulgure & tonitru
egerat in precedenti libri fine, & causam materialem vocaverat exhalati-
onem (calidam) siccam. Nos dicimus (inquit) eandem esse naturam super terra
ventum, intra terram concussionem (σεισμόν) in nubibus tonitru (βροντῶν)
πάντα γὰρ εἶναι τὰ τῶν ὁρίων τῶν ἀναθυμιάσιν ἑρπῆν, ἢ πείσσει
ἀνεμὸς ἐστίν. ὡδὲ ἡ πῦρ τὰς σεισμούς. ἐν ἡ τοῖς νέφεσι μετὰ βάλλουσιν
ἐκκρινόμενῃ πνεύματι, καὶ συγκρινόμενῃ αὐτῶν εἰς ὕδωρ (cum nubes
coiunt, & in aquam coalescunt) βροντᾶς τε καὶ ἀεραπνῆς, καὶ πρὸς τὰ τοῖς
ἄλλα τὰ τῆς αὐτῆς φύσεως τὰ τοῖς ἐντέ.

3. Cardanus lib. 2. subtil. miracula fieri vi fulminum consuetur quidem,
sed eorum admirabilem quoq. rationem reddit, dum inquit: motus non solum
penetrare magis cogit, sed & calorem ipsum accendit, atq. ignem igne calidio-
rem reddit. Nihil mirum igitur est fulmini inesse tantam vim, ac ignem illum,
quasi ab aliorum ignium natura alienum, miracula quaedam efficere. Namq.
ob motum celerem non solum magis penetrat, sed ignis ille multo calidior reli-
quo omni igne existit, solo contactu occidit, quod ei proprium est, quia calidorum
est calidissimus, & quasi ignis ignium. Haec ille, qui lib. 14. varietatū historiae
arcti fulmine disiecta mirum ejus effectum probat.

9. Negat autem ignem esse Elementum, quia fit accidens, & aër accen-
dit, nec unquam eadem maneat flamma sed perpetua generatione altera alteri
succedit: ob subtilitatem per angusta ingrediens foramina, ob motum dividens
aut scindens, diffusa calore immenso urens, ac in propriam convertens substan-
tiam. Alibi etiam motu calidiorē fieri dicit, quia fit penetrabilior.

40. Hac dum ille misit sic scribit veras causas esse cæci & fulminum non at-
tingit. Aristotelica illa sunt: Flamma est spiritus sicut ardor & met. a. ignis
superabundantia caliditatis. Exarsio enim est quod ad am superabundantia & de
orsu. cap. 3. tex. 21. Flamma propter iustum humidum, & siccum, quæ per-
manetur fit: & non alitur. Non enim eadem existens permanet illo tempore.
& met. cor. 2. Ignis semper formam non propriam habere videtur, sed in alio cor-
pore. Aut enim aer, aut sumus, aut terra esse videtur, quod ignitum est. Et itaq;
quæ proprie ignis Elementum dicitur apud Lunam querendus est. 3. Gen. an. 11.
Eo enim fertur ad terminum, & ideo maxime forma esse dicitur. 2. de oris
cap. 8. tex. 50. Si ergo fulmineus ignis non est Elementum, sed flamma non per-
manens, quomodo celeritate motus potest fieri calidior? Follum flata intendi-
tur per accidens. Neq; enim idem est ignis qui intenditur, sed copiosior profla-
tur, quia ex materia aeris, sumi, & ardentium excitatur maior spiritus, & ar-
dens impulsu flatu vim imprimi validius. Quoties de spiritu igneo proprie-
tatem materia resoluatur & sequente rectius id dixerit, qui motu attenuetur magis,
& inalescat, imprimaturq; fortius exiitenti, & impellentis impetu, adeo ut
balneus mora efficiat etiam citra flammam.

11. Misit Peripatetici quid illi sentiant qui dicuntur librum mundi flu- Recent-
diosè legisse, & deridunt. Il sunt ihymini, & quidem veterum doctrinarum con-um opinio.
temtores maxime, qui Paracelsum ducem sequuntur. Eius hypotheses sunt: 1.
cæcum esse purum ignem: (neq; enim aliud Elementum ignem Paracelsi. Ex cor. 3.
amplectuntur) 2. cæcum in se habere terram argumento, quia lapides fulminei de pesse.
inde mutantur. Nasci vero sumum in cælo superiore sicut in us. 3. Quomodo nasci-
tur, explicare conatur Tom. 1. lib. 2. paramiri, tractatu 6. Formæ roris ex suo ele-
mento ascendit in elementum aliud, quod est priorius: nam a materia, in cælo minus
juncta materia desunt. Si spiritus cæli ex se & genitum in cælo dominantur, con-
pium suis & efflu elementorum unitorum lapsum in cælo nascitur. Quodlibet ergo tonitruum liquor.
ex cælo venit. & in primis in materia nihil est, nisi sal, seu spiritus salis conge-
latus se ipsum. Est tamen una sculptur quod in aere concluditur, nec cum resolu-
tum est, potest cum sale una manere.

12. Sententia est: fieri resolutionem salis & sulphuris, eamq; forma bal-
neus ascendere & in cæcum ferri, ubi coagulatio fiat forma roris, seu liquori pri-
mum. Coagulatio in cæcum iterum reolvitur, ex potentia contrarietate in contra-
rietatem. Et transtul spiritus q; salis cum in petru exiit in terram, sed sul-
phur (quandoq; non totum) concluditur in aere specie sugetur. Ipsi vero duo
cum

cum amplius in summo flammantur, in lapidem fulmineum transeunt. Declaratio petitur ex natura halinitri. In hoc sunt spiritus contrarij potentia, à corpore Elementari coërciti. Resoluto hoc per calorem, dissiliunt spiritus, seu liquores, in quibus esse adversantiam, probatur spiritu halinitri, & sulphure.

Anaxag.
& Anaxi-
mander.

13. Hac ille ibi non incongruè ad sensum, licet verbi non usq; adeo probatur. In Tom. 4. aliter paulo rem explicat. Nam fulmen ex tribus conficitur, sale, sulphure, & igne firmamenti. Sal & sulphur dicuntur fieri per astrum salis, & sulphuris, seu essentiam utriusq; cui respondent astra cœlestia. Igne firmamenti accenduntur. Nam cœlum comparatur conflatore pulveris pyri ex salenitro, & sulphure. Hic pulvis ut accenditur ab hominibus: ita sulphur & sal cœlestia ab igni cœli: veruntamen essentia nuda sine elementorum corpore impetum nullum habent. Itaq; requiritur ut salina & sulphurea essentia quasi cortice elementari comprehendatur.

14. In his quoq; non omnino repudiandus videtur, nisi quod in firmamento ita fieri velit, in quod tamen nulla turba ingrediuntur. In aere enim, eoq; non alto, fulgura, fulmina, tonitrua, nubes, & quæ unà sunt, consistunt, indeq; causis quibusdam concitata feruntur. Per ignem firmamenti possumus Solis calorem intelligere potissimum: per astra, stellâs illas, quas astrologi dicunt subiectum aerem disponere ad tonitrua, elevare halitus, & vapores resolutos, aut etiam resolvere, & attrahere quousq; possunt: In locum frigidum attracta consistunt, coagulantq; posteaq; iterum resoluta, & incidentia in contrarietates, turbas existant.

Nota Pa-
racelsi sa-
luitatem.

15. Plenissime, & ex professo de fulmine philosophatur cap. 3. meteor. Hypotheses sunt hæc: 1. Deus salem, sulphur & mercurium inculcit in firmamentum. 2. Sunt peculiare stelle æthereæ ad generanda fulgura, & fulmina aptæ, & gradibus 32. distinctæ, ita ut stelle fulmineæ seu fulminificæ sint in gradu XXII. 3. Ex illis stellis quadam possunt errare, & vel tardius, vel citius operationem producere, unde tonitrua verna, & hyemalia. 4. Præcedit calor, qui existit in decoctione & præparatione fulminum per Vulcanum, seu superos, quos postea penates cœli vocat. 5. In fulminificis stellis sulphur quoddam est corpus tenacissimum, & subtilissimum, summo est gradu halinitrum, utpote spiritus, summè pingue: mercurius summè contrarius utriq; potentior sulphure, acrior halinitro. 6. Hæc tria cum una sunt, à Vulcano præparantur, ut ultimâ materiâ absolvantur scilicet, fulmen, & simul augetur calor æstatis in ipsa præparatione Vulcanica. Incidunt tamen interdum quadam impedimenta,

inuenta, ut, quod inceptum est, non perficiatur, sed dissipetur. 7. Hæc declarantur
 opere chymico inabari. Sicut enim Alchymista sulphuri liquato immiscet sa-
 lem, & postea argentum vivum; ita cælestes magistri, seu superi capiunt sul-
 phur æthereum, salem, & mercurium, induuntq; in matulam, quæ est stella, in
 qua præparans massam calore exiguo: (Nam calor major secedit, & astatem
 ferventem reddit) stella ista postea effundunt misturam in aerem. 8. Hinc exi-
 fiunt nubes, quæ prius ob altitudinem, & tenuitatem non videntur, sed postea
 auctæ, & demissæ veniunt in conspectum, & crescunt pro materie mole, quam in
 se habet stella. 9. Mistura fulminea, quæ in stellis non est perfecta, absolvitur in
 nubibus aeris. 10. inde incipiunt ista tria sibi mutuo adversari. 11. Cum halini-
 trum insurgit, fit concussio in massa, perrupaq; nube emicat flamma. 12. Hæc
 dum sunt, etiam mercurius concipit principium motus tantum, ut impetuosè
 nubes perrumpat, fulgurq; & tonitru faciat, perinde ac si argentum vivum ar-
 gento ferventi infundas, aut bombardam explodas in hypocaulo. Tonitru enim
 est fragor ex contrarietate. Sic in præparatione aquæ halinitri primum co-
 ruscatio, postea tonitru percipitur. 13. Fieri potest, ut in ipsa præparatione con-
 tingat dissipatio, & non sequatur tonitru. 14. Cum verò massa illa savit, non
 fertur versus cælum impetus, sed in terram. Nam medium cælo est sur-
 sum, sicut cælum medio. Cum ergo tonitru ad nos mittitur, etiam sursum
 mittitur. * 15. Massa illa inclusa est cortici suæ tanquam pyxidi, aut ut ovum
 est in putamine. Cætera quæ massam circumstant, in pluviam & ventum abe-
 unt. 16. Cum massa ex nubibus humorem accipit, rumpitur, & excutitur, perin-
 de ac si quis aquam frigidam mitteret in fervens æs campanarium. Hinc sul-
 men, quod nihil aliud est, quàm ignis in parvam massam coactus, & in corpus
 spirituale, æreum, æthereum compactius, penetrat omnia, ut spiritus incorpo-
 reus, tanto cum impetu, ut omnia prosternat, & ferrum momento liquesaci-
 at, quod olympico gradu, qui fortior est elementari, perficitur, estq; mirabili-
 sum effectuum. 17. Quædam fulmina sunt ignea, quædam frigida à proprio spi-
 ritu congelata: omninò tam admiranda sunt vires fulminum, ut non putes
 Paracelsus esse NATURALES: Vnde ergo? vel à diabolo, quod non probat, vel
 superi penatibus, qui sint magistri in eo opere, & dirigant fulmen, ut magistri
 tormentarii, eò quò velit Christus. Ideo n. potissimum, inquit, tanta vi fulminò
 concessa est, ut sit exemplum adventus Christi mirabilis. 18. Permissu divino po-
 test & diabolus excitare tempestates. In Tomo 4. de podagra contendis natu-
 rale esse, Pythonissæ seu sagas facere tonitrua. Sicut enim ex ferro per silicem

ignis excutitur : ita Pybonissa excutit ignem ex SIPHA : & incendit naturale subiectum COLCITAN, facitq; tempestatem. Hac Paracelsus, qui videtur Anaximandri sententiam apud Senecam lib. 2. q. n. cap. 9. & Anaxagorā apud Arist. 2. meteor. cap. ult. repetivisse. Nam & hic statui si fieri, ut ex ethere aliqua vi in inferiora descendat. Itaq; ignem ex cælo illupsum nubibus sonare dixit : quod tamen & aliter explicari potest. Severini & Hartmanni phantasia est stellas semina in elementa demittere, ubi in fructus quosdam evadant, ex quibus sint nubes, fulmina & reliqua. Alij ex elementa stellarum esse ex passu volunt. Ita Diabolus antiquas fabulas repetit.

* Aristoteles voluit sibi demonstrari quā flamma deorsum & non sursum feratur natura Paracelsus modum excogitavit.

Judicium
opinionis
Paracelsi.

16. Non est necesse, ut multis opinio Paracelsi refutetur. Quia enim nullo solido fundamento innititur per se cadit. 1. Falsum est salem, sulphur, & argentum vrum, contrarie affecta esse in firmamentum a Deo coacta. 2. Esse quasdam stellas fulminificas secundum quid concedi potest : sed quo principio demonstrabuntur gradus eorum ? 3. Astatu calorem intensiorem existeret ex deoitione, & præparatione materia fulminea ridiculum est, nec possunt juvare hominem calores in constatorijs metallorum. Neq; enim quod fit in officinis nostris, id omne etiam in externo fit aere. Spuria similitudines nihil probant. 4. Quis autem ille Vulcanus cæli est, qui penates & magistri qui iudunt fulmina ? Firmamentum id Poërium est, non physicum documentum, & si veli tueri, etiam impium : nisi fortassis angelos, quorum aliqui ignibus præfunt, intelligere veli. Fasere enim voluntatem Dei hi sunt parati. Sed Paracelsus etiam Diabolo ascribit potestatem istam ex Dei permissione, & fugit ex causis naturalibus. Non itaq; opus erit Vulcani, & penatibus impietatis gentilitia. 5. Comparatio ab opere Athymista est puerili & ridicula, præsertim cum dicuntur stellæ sese habere ut matula thymica, seu olla, in quibus sunt misuræ, cum prius generatio ipsis stellæ antiquam causam efficientibus tribueretur. 6. Falsum est nubes ex cælo demitti, apertum enim est ex mari, & vaporibus montium nasci. 7. Materiam fulminis non in nubibus gigni, sed aliunde inserti, imò cum materia nubium ascendere, aut inventam occupari verum est, ut & in nubibus amplius disponi : sed cælitus effundi falsum est. 8. Contrarietas calidi sulphuris, frigidiq; liquoris, & utriusq; in resoluto halinitro, vera est. Itaq; male irridentur qualitates contrarie peripateticorum, præsertim cum idem doceat exemplum excusationis ferventi metalli frigida aqua illapsa, & argenti liquati, in quod frigidum argentum vrum insunditur. 9. Terram & mare in cælo esse sursum, dixit Ptolemaeus.

Brontes
steropes
pyraomones
diaroui.

est, &

10. & refutatur habitudine superficiei ad suum centrum. Alia vero est causa,
 cur ad terram ferantur fulmina. 10. Mirum est imperium fulmineum ascribi
 non elementari, sed olympico gradui, cum tamen constet, quanta sit vis tonitru-
 orum artificialium. & Aetna. Vesivij &c. nec in aethere ullæ unquam turba ra-
 les sine comperta sed opinione in elementis adq. liquidissima observatione. 11. Do-
 vi quoq. varia & admirabilia dubitare non debebat, qui omnia ad sua principia
 tria revocat, & negat sine elementis posse istorum quicquam fieri. Et cur natu-
 rales causas non habeat propinquas, ad quod totum est naturale. & naturalibus
 exemplis declaratur? Si quæ remotior est causa, de ea non inquiris Physicus.
 12. Quod ad advenum Christi atinor, Matthæi 24. scribitur: sicut fulgur
 (ἀπαυγή) exiit ab oriente, & apparet usq. ad occidentem, ita erit & adven-
 tus filij hominis. Et Luca 17 v. 24. Sicut fulgur &c. Nihil hic habetur de mirifica
 res fulminum, nunqua comparari queant ea, quæ eventura sunt adveniente Chri-
 sto. Petrus quidem de Elementis calore solvendi prænuñciat: sed hoc futurum
 est iudicio jam habito. Paulus 1. Thess. 4. non fulmini meminit, sed iussa & vocis
 Archangelis, qualis fuit etiam in legi promulgatione Ex. 19. 16. & cap. 20. 18. ubi
 aliud tonitru, aliud buccina clangor. Luc. 21. virtutes cælorum movebuntur
 quidem, at non dicitur Paracelsica fieri. Ita est de signis in Sole, luna, & stellis.
 Paracelsi ista sunt conjectura, non demonstrationes. Quod si quis Paracelsista
 velit cum Seneca lib. 2. n. 9. cap. 5. ex terra sideribus pabulum petere, quod etiam
 lib. 5. c. 8. & lib. 6. c. 16. asserit, spiritu & vaporibus pascentis stellas, ut & Plinius
 lib. 2. c. 8 & 70 Oceano, unde loci fulmina peruntur cap. 20: eum mittamus ad
 A. lib. cap. 7. meteor. lib. 2. & alios Physicos peripateticos, quibus ob rei veritatem
 longe plus tribuendum est, quam novis istis ex Paracelsia carbunculi absq. prin-
 cipio ex opinione sua quidvis ponentibus.

* Olivaudus Crollius: Deus in omnibus Elementis creavit vivas creaturas
 inanimatas, seu absq. intellectu. Ignis, seu firmamenti sunt Vulcanales, penna-
 tes, salamandra, luperci, quorum monstra sunt Zundel.

17. Solet i. fulminis naturam declarare morbis & symptomatibus in mi-
 crocosmo, ut Cutia, seu apoplexia, paralyfis, epilepsia, podagra; quasi fulmen sit
 paralyfis firmamenti: & paralyfis, apoplexia &c. fulmen microcosmi: spā-
 s. i. tonitru microcosmi: caducus fulmen sine corpore instar spiritus &c. Verum
 hæc comparationem admodum exilem habent, & sunt Poeta, vel oratorum magis
 quam Physici medici. Imò ridiculum est sic venis impingere lapides, & vesica,
 quomodo ex nubibus cadunt, aut è cælo missi spiritus aliter, & sale coagulari sin-
 guntur. Si instar Tartari coalescunt, non fulminis modo.

18. Quædam a. comparationes non sunt negligenda. quan. eas Paracel-
 fus perpetam, & ex præconceptâ suâ phantasiâ adhibuerit. Talis est. quæ ab ha-
 linitro sumitur. in quo natura sulphuris est, & aquosi liquoris. seu spiritus adversus
 in corpore congelato. 2. Quæ a pulvere Pyrio. 3. Quæ a spiritibus halinitri & sul-
 phuris; quanquam melius ab aqua foris affusa antimonio in angusto vase: aut
 liquori tartari, & solutioni auri in aqua regia: aut sublimati destillari, & aq.
 salis petrei &c. 4. Quæ a frigido argenteo vivo in argentum fervens injecto. 5. Quæ
 ab aqua frigida illapsa in metalla. aut venas metallicas in sui carinâ ferventes.
 6. Quæ a tormentis & bombardis pyrio pulvere instructis. 7. Ita de pyxidibus,
 quibus si includas halinitrum, aut salem ammoniacum, aut argentum vivum
 &c. super pruna fervente rumpuntur cum tonitru. Idem accidit in pbiolis, &
 vasis destillatorijs, si quis incaute agat.

19. Verum nos hæc amplius illustremus. Fulmen aliud naturale est, aliud
 artificiale: aliud divinum, aut generalius, Magicum: aliud tropicum. De hoc
 ultimo non est, ut differamus. Notum est bellicosos viros fulmina appellari, ut
 Scipiones, Bajazeten cognomento childerun, quod fulmen significat &c. Ita quæ
 celeriter feruntur, fulmini comparantur, præsertim si etiam affligunt. Marc. 3.
 in pandect. 17. Iacobus & Iohannes dicuntur Boanerges, ἰδοὶ βοωντῆς, tonitruum filij à Bne,
 & reges sch: Syriacè: Bonai regeschi; Bonerges filij strepitus & tumultus. Hoc
 modo apoplexia dicitur vulgo istus, seu fulmen dex Schlag De mysticis fulmi-
 nibus habes Apoc. 8. 5 & cap. 11. 19 & 16. v. 18. Seneca generalius utitur vocabu-
 lo de ignibus ex summo emicantibus lib. 2. cap. 1.

20. Naturalia fulmina fiunt vel in inferiore loco mundi, vel in altiore, ut-
 pote in aëre medio. In inferiore loco infra terram, ut in terra motibus: vel extra,
 ut cum Vesuvius intonat, & saxa ejaculatur; Cum Æthna & similia ardentia,
 quæ contingunt etiam sub mari, unde insula enata: Seneca lib. 2. n. q. 6. 26. In-
 tonant & aquæ minerales ferventes cum per angustas fances erumpunt ut in
 Carolini. Causam in hu esse spiritum apertum est. Is potest quidem aliquâ sub-
 ire foris: sed si tonitru & fulmen querim, intus existit ex resolutione per ignes.
 Materia a. tam potens est bitumen, sulphur, nitrum, halinitrum, sal ammonia-
 cum, & similia. Seneca lib. 2. cap. 30. durorum conflictu fieri fulmen & tonitru ex-
 istimat cum inquit: Ætna aliquando multo igne abundavit. Ingentem vim are-
 ne urentis effudit. Involutus est dies pulvere, populosq; subita nox terruit. Illo
 tempore ajunt plurima fuisse tonitrua & fulmina, quæ concursu aridorum cor-
 porum facta sunt, non nubium quas verisimile est in tanto ardore nullas fuisse.
 Hæc ex sententia Asclepiodoti. Sed verior causa est spiritus bituminæus, nitrosus
 &c. Familiare exemplum est, si quis ferventi bitumini, pici, oleo, butyro, & simi-
 libus infundat aquam, quod & in Ætna evenire quæ neget Itaq; non dicendum
 tantum est spiritum vel exhalationem esse, sed qualis sit natura explicandum.

21. *Quæ causa naturalis facit fulmina & tonitrua in terrâ, ea etiam in nubibus, & aëre. Hoc saltem interest, quod quæ in imo sunt, ex coagulatis foris aliquo ignis, vel calore resolvantur, & prima resolutione vim accipiant: quæ verò in aëre & nubibus contingunt, eorum materia prius ex mari, & terra resoluta in altum erecta sit, ubi denno constitit, & secreta in aliquas partes nubium ab idem igneo principio incidente & inflammante confestim resolvatur, & ob contrarias qualitates, aut incidens in contrariam, veluti in aquosam nubem faciat. Interdum, ut Paracelsus ait, in inflammatam materiam aqua si gida incurrit, & vim contrarietatis commoveret; ita & cum frigidorum antiperstasis confecto calore incendit, & incensus spiritus, liquorve sulphureus perumpit per obstantia trem contraria.*

22. *Sed addere oportet ea, quæ non quidem arte procurantur, artificibus tamen operantibus evenire possunt. Frigor, tonitru & excussio fit cum improvide halituum, sal ammoniacus, bitumen, sulphur, & similia desillantur, sive simul, sive seorsim. Itaque in aqua regis utendum est peritia uti inspicilla. Cum argenium vivum non fixum phiole hermetice obliquate inclusum pruna ferventi imponitur, etiamsi sit præcipitatum per sales aut spiritus salium aëres, erumpit fulminis instar. Si quis aurum regia solvat, & per oleum tartari descendat (ita loquuntur chymici pro descendere faciat sceler) calx inde fit fulminea ut ex ferro. Et ac h. versetur super tabula ut principium caloris sentiat, cum magno frigore & impetu excutitur & deorsum tendit, adeo ut etiam perforare possit laminas æreas, aut ferreas. Tonitrua fieri cum ignis aëli in aquas præcipitantur, popularis est notitia. Cum in copiam pulveris tormentarij, incidit flammam aut fit aliquando fulmine; aliquando per imprudentiam in pulverarijs officini, quantum sit impetui, ostendit historia Cardani lib. 14 seu cap. 40 varietatis. Pluribus non est opus.*

Ita in bal-
neu.

23. *Consequens ex hoc est, quia similium effectuum, vel etiam eorundem, eadem aut similes sunt causæ, stipulantibus ceteris indicijs, ut hic sunt commotiones a spiritibus potentibus sulphureis, salis, & bitumineis, ita fieri etiam, in nubibus, ubi consentit odor sulphureus in loci idem & lapidum fulmineorum rerorum, pene ex micro sulphure concretio, qualis est ille, quem nos habemus specie contrarium fulminearum. Sicut autem in nostro experimentu sunt una spiritus frigidi, nitrosi & gelantes ita & in nubibus. Unde si ubi prædominantur, stupidos faciunt homines percussos & vim in glaciem revertunt.*

24. *Notandum & hoc est, spiritus istos frigidos non tantum esse naturæ*

balinitrosa, aluminosa, chalcantiosa, que & in sulphure & bitumine, sed & mercuriali, quales sunt in argento vivo, cuius ob id natura adeo mirabilis est, ut inter miracula cum magnete, & cathartici à Fallopio referatur. Accedit & aquositas vapida, ut in sale petra cellarum, & frigus gelans, quo aquosa in glaciem concrevunt. Argumento sunt grandines sæpe ex hisdem nubibus underruunt fulmina.

25. Novimus autem sulphur liquidum, & stibium sulphureum ita affectum esse erga ferrum, ut id facile solvat, & liquefaciat: argenti vero vivi spiritus quam facillime penetrent, & dissolvant metalla: quin & ossa corrodant, & nonnunquam flexilia excitati fluxionibus, & cariosa reddant. Aurum si quis momento dissolvere velit, in medicinam ex argento vivo sublimato, & sale ammoniaco adjiciat, additoq; calore incendat.

26. Nihil subtilius est spiritibus balinitri, salis ammoniaci, argenti vivi studi, argenti vivi sublimati, urinae, Tartari. Horum naturam fulmineus spiritus representat, dum illis alijs metalla fundit, & resistentia perdit. Inde judicari potest modus fulminis apud Pierium Valerianum lib. 43 hieroglyph. ubi calori ab adversante frigore in globum collecto & cristallinam vim ascribit. Si quis hic simplices sine materia disposita qualitates accipiat, in non totam fulminis naturam explicaverit,

27. Quod Seneca de vi venenata dicit, quæ in gelato vino restat, explicatur spiritibus mercurialibus, & salsis, ex quibus constat sublimatum venenatum. Sed & halitus arsenicales, Cobaltici, b.e. Cadmice venenatae, antimoniales, similesq; ex fodinis metallicis, & officinis, in quibus ista liquantur cum fumis & favillis in aërem rapiuntur. Hinc ergo halitus fulminei venenati, & non à Basilisco cæli, ut nugatur Paracelsus cum suis. Non tamen omne fulmen pariter est virulentum: sed pro natura materie, & mistura.

28. Si queras unde macula sint fusca, quæ relinquuntur in cute percussorum: habes bitumen resolutum, sulphur adustum picem, antimonium, cadmiæ nigram &c.

29. Cur non omne fulmen incendit? Quia non omne sulphureum liquorem perfert, nec tenacem habet flammam. Si sulphur subtile est, deslagrat antequam hæreat. Interdum desertur spiritus sulphureus, sed tenuior est, citiusq; extinguitur quam comprehendere possit. Interdum incidens in non inflammabilia, vel difficulter præoccupatur extinctione. Plinius humidum incendere negare videtur.

30. Cur alta petunt fulmina, ut cœcunias cautes, turres, quercus &c. Spiritus inflammatus oblique fertur. In altu citius deficit aer. Minorem ergo invenit resistentiam in editioribus. Seneca lib. 2. q. 11. c. 58. oblique fertur, quia spiritu constat. Spiritus obliquus est & flexuosus: & quia natura ignem sursum vocat, injuria deorsum premit, incipit obliquus esse. Cacumina montium feriuntur, quia opposita sunt nubibus e cœlo cadentibus, & per hac transeundum est.

31. Ista ex naturaliter evenientibus colliguntur. Iam que ars procurat istis rebus, ea facile probant naturalia. Non loquor de puerili isto fulmine, quod æreo ponte, facibus & equorum cursu, Salmonius Virgilianus commentus est: sed de tormentario, quo arces diruuntur, & subtruntur muri ab hostibus. Tale est, quod olim Cœsars in cœnaculo representavit. Idem faciet pulvis fulmineus auri, vel ferri. In antro Smellenio Olai causa erat naturalis, sed que motus principium accipiebat à re injecta. De Pilati lacu referunt, ut & de aliquibus puteis, quod injectus lapillus magnas turbas exciter, faciatq; ut vapor surgens in nubem coeat, que etiam conitrua pariat, & fulminet.

32. Notandum est, quod de pulvere tormentario dicitur cum sine conitrua propellere, si sit comminutus & in farinam redactus: In majoribus granis magis furit. Videndum ergo ut recte de halinitro & sulphure statuamus. Non sunt massalia ista in fulmine, nisi in lapidem coacta sint. Quomodo ergo per se in forma resoluta possunt adeo favere? Non frustra itaq; Paracelsus tandem cogitur confugere ad contrarietatem aqua ex nubibus, & ignis in oro fulmineo, atq; ideo, nolit velis, peripatetici eadem dicere. Qualitates tandem vincunt Montarcham arcuorum, & olympici spiritus figment a juxta exemplum aqua frigida in servens metallum illapsa. Nos non nihil tribuimus exemplo pulveris fulminantis ex auro & ferro, ubi non opus est elementari contrarietate, nisi eam in spiritu halinitroso coagulato & Salammoniato, tartareoq; qui exciteretur calore, ponas.

33. Neq; verò temerè est quod de motu quoq; specie differit Plinius, Seneca, Aristoteles &c. Nam spiritus ille turbinatum contortus terebrat tum vi insistentium motu in orbem actò. Ideo rotunda facit foramina in capsâ ferrea vaginæ gladij, & in manica apud Fabricium. Eadem causa est, cur in fulmineo quibusdam jaculo foramen faciat ex angusto dilatatum. Explicat enim se spiritus ab apice, seu à principio facto se dilatat, contra ac in terebello, successione & resolutione auctus, qua erumpit, foramen grandius reddit. Neq; tamen omnes ful-

Qualitates Aristotelica vincunt Paracelsicas essentias.

minei lapides sunt pertusi. Vide lib. 2. Gemmarij Boerij cap. 261. qui rix etiam
autoritate Kentmanni, Gesneri, & aliorum persuaderi potest tam firmum du-
rumq; lapidem circa æquilibrium ponderu adeo exacte perfossim ex nubibus
exiit.

34. Cæterum tempestatum & fulminum divina virtute effectorum hor-
ribile exemplum extat Gen. 19. v. 24 in Sodomorum erersione, & Exodi 9. 24. in
plagu Egypti, de quibus & Sap. 16. 17. Psal. 77. 18. 19. & 78. 48. Si Josue 10 v. 11.
tempestare & grandine percutiuntur exercitus regum Palestina: quale suppli-
cium Deus minatur etiam Gog. & Magog. Ezech. 38 v. 22. 1. Reg. 12. 17. tempe-
stas præter consuetum divinitus excitata signum est offensus Domini.

35. Magica tempestas a Diabolo permissu Dei conlata est Job. 1. 16. tri-
buiturq; simili potestas etiam bestie secundæ in apocalypsi cap. 13. v. 13. Apud
Plinium lib. 2. cap. 55 est narratio de fulminibus evocandis seu precationibus co-
gendis, aut impetrandis exemplo Vulcanorum, quorum ager a monstro Oliæ va-
stabatur. Ita Numa & Porfena sæpe fulmina evocarunt, quam artem cum
Tullus Hostilius imperitè imitaretur, ictus est fulmine. Illic Iupiter fulmina-
tor, Tonans, Elitius.

36. Ut ex eodem loco colligere est non desuerunt, qui putaverint hominem
imperare naturæ posse, ut ad libitum fulminer. Non alia est sententia hodi-
norum magorum, quos Paracelsistas dicimus. Quid enim Crollius hominibus fidu-
cia & imaginationi non tribuit? Omnia astra, inquit pag. 37. Basilica, firma-
menti, quæ sunt circumtactura speculationis animi nostri possunt IMAGINANDO
ex sua vi ingenta res corporales, & visibiles ex non apparentibus producere, ut
jam se. eno. ælo mox producitur nubes magna, & ex ea fit pluvia, tonitruum, gran-
do & quæ arte productionem nihil sunt. Item: Corpus & spiritus in homine
corpore visibili attrahunt, & hic est magnes mirrosomi. Sydereum corpus &
spiritus ad se trahunt vires astrorum. Hæc est quæ irrita species magi naturalis
Gamaleos dicta, quæ adjuvento artu omnia invisibiliter & spiritaliter facit,
quæ alioquin naturæ corporaliter lege & reliqua pag. 106. Inest hominum
animi virtus quedam immutandi, attrahendi, ligandi, potissimum si maximo
imaginationi menti, voluntarij, excessu in id, quod attrahere, immutare, li-
gare, impedire cupiat, qui feratur, quod illi non videtur mirum, qui sciunt ope-
rationes magneti naturæ antipathij spiritaliter fascinantis &c. Sensus est
hominem in se habere vim magneticam attrahendi astra firmamenti, per sua
astra respondentia: attractionem procurari valida imaginatione, intentione.

Et ad naturalem: Inde fieri ut homo efficiat voluntarie tempestates, & alia omnia, quae aliis stellis ascribuntur: quod est purum putum mendacium, & abominabile magia & exaltationum, divini, & humani legibus veterarum praeceptis.

37. Hoc utuntur & ceteri Magi, Agrippa, Tricemius, & similes, ne videantur Diabolici esse. Paracelsus aliquando ascribit non genij improbi, sed ascendentibus sideribus, quasi ea homo in potestate habeat. Dum Pythonissae *Paracelsus* vult fulmina naturaliter clare ad exemplum ignis, qui attritus silicis ad ebullientem excutitur, sagas, quas alioquin & ipse & Crollius flammis adjudicat, *patronus* defendit. Quae enim sunt Pythonissae? *magarum* Ait. 16. 16. mulier habens spiritum Pythonem divinando quassum facientem. Nostri vocant magas, sagas, divinatrices, Herens/Druten/Weise Fratres, quarum cum Diaboli commercium certum est, exemplo ejus, quam Saul consuluit 1. Reg. 28. 8. Quarite mihi mulierem habentem Pythonem: v. 8. divina mihi in Pythone: v. 9. Magorum & ariolorum sunt socia, prohibita Deuter. 18. 10. 11. 12. Es. 8. 19.

38. Nihil est certius tot questionibus, confessionibus sagarum Pythonissarum, quam quod opo Diaboli, Deo permittente, procurent tempestates, & fulmina, nulla vero arte naturali, nulla imaginationis virtute, aut astris, seu ascendentibus, seu descendentibus. Ludicra quaedam & puerilia suasu demonum addibent; sed ea nihil habent per se efficacie, estq; illa magnetica familiaritas Paracelsistarum ea in re vanissima.

39. Non alia arte etiam Magi illi famosi Tricemius, Albertus, Agrippa &c. excitarunt fulmina, quam vel saga, vel Numa, Porfena, Tullus, Tivridates, Simon &c. quod etiam Paracelsus fateri cogitur, dum Pythonissas excusat praetextu naturae. Sed Agrippa ingenuè confessus est vanitatem, & execrabile studium ipsius scientiae. Itaq; quo genio imponere incauti juvenibus satagant Paracelsista, inde fit manifestum, ut tanto magis, quantum, ut saga improbae quoq; solent, simulent summam pietatem, sint suaggiendi.

40. Frustra excusare suam magiam * vel naturae, vel miraculo, & exemplo Moysi, Samueli, Eliae &c. conabuntur. Naturae imperari, inquit Plinius, audacius est credere: solus enim dominus naturae id potest Matth. 8. 27. Quod etiam Paracelsus aliquando ponit, homini paratum debere esse Dei jussu etiam Diabolum, ad sanandos morbos ex incantatione (quos ridiculè mentales vocat Crollius) & alia efficienda suo ministerio, quasi aliquod beneficium ex hoc

quoque expectare possit homo id ejusdem vani pretextu est, quo abominabiles cum Sathana consuetudines, & societates palliantur. Nescit hinc cuius spiritum filij sint Paracelsistes, & quid sentiendum de Rogerij Baconij tempestate, quam vult mirabili potentia artis, & nature excitari posse ad exercitus hostiles prosterndos, nisi tale quid sit quale ex Antro Smellen.

* Vide Grollij pag. 46. Basilicæ. Hominibus innocensibus pro voto fidei servit omnis creatura. si exaudiantur ad omnia quæcunque petierint &c. Sed ubi sunt illi innocentes? Moyses petebat ingressum in terram sanctam, frustra. Num. 20. 12. Deut. 1. 38. cap. 3. 24. 25. 26. cap. 1. 45.

41. Non ars nostra, aut nature potentia à nobis provocata hostes submine prostermit, sed Deus precibus sollicitatus Iacobi 5. 16. 17. Facit voluntatem sermentum. Ps. 145. 19. nisi aliquid offendiculum impediatur, ut in Moysè: Item pro sua gloria pugnat Deut. 31. 27. Ex. 9. 16. Rom. 9. 17. Ex. 32. 12. Num. 14. 21.

42. Imitatur autem Dei actiones, & vindictas aliquando Diabolus aliis homicida, & mendax ab initio, & in hominum perniciem, non salutem paratus. Id testatur historia Brenni, & exercitus Gallorum templum Delphicum occupare volentis. Nam & terra motu abrupta portione montu demon Delphicus hostes stravit, & tempestate cum grandine, & frigore, ut est apud Iustinum lib. 24. circa finem. Alio modo Phocenses templum suum spoliantes ultus est idem Apollo. Iustinus lib. 8. in principio.

43. Atq; hæc de fulmine. Si quis plurium questionum explicationem desiderat, eum jubemus legere Senecam lib. 2. natur. cap. 12. & inde usq; ad finem: Plin. lib. 2. cap. 20. & 52. cum seq. item 81. ubi fulmini comparatur hiatus seu abissus. Arist. lib. 2. met. cap. ult. & lib. 3. cap. 1. Plato in Timæo impetum fulminis ex vacui defectu petit quasi ideo delabatur quia subtrahatur aer, in cuius locum ignis rapiatur, quæ puerilis est opinio. Recentiorum tantus est cumulus, ut referre pigeat. Nos volumus saltem veterum & Paracelsistarum rationes in iudicium deferre, ut pateat jurene ac injuria Paracelsici damnet Peripatetica.

44. Breviter: Causa efficiens remota est Deus, qui per angelos ignis & aquarum, naturamq; est efficax: aliquando malis genij permittit: sage & magi non sunt causa, nisi sua opinione: non etiam magi Paracelsici sive utantur imaginatione sive characterebus, verbis, & alijs nugis. Aliquid tamen homines, bestia, & alia occasionem possunt præbere tempestatibus nonnullis. Cause efficientes propinqua sunt tum qualitates primæ adverse, tum conclusio, circumobscurentia, & compulsio, incendensq; calor, quæ quæ vehementiores sunt, eò fulmen fit terribilius, & effectu atrocium. Qualitates autem non sunt nude, sed

cum


Taler.

Max. lib. 1.

cap. 2.

cum materia determinata maximeq; urgente, & compingente. Materia est
 balitus, seu sumus pinguis, nitrosus, picus, bituminus, calore resolutus, in nubes
 coactus, ubi confluit, & principio resolvente resolutus vi erumpit; sed & in in-
 flammata materia incidens aqua frigida motus violenta causa esse potest,
 ut etsi sit spiritualis materia, tamen conrescere, & incendi possit, ut in meteoris
 ignis alyis. Aliquando lapsus fulmineus fervens una est, qui incidente aqua sic
 excutitur, ut in officinis metallum ferventia metalla, aut sulphur, vel pix fer-
 vens aqua immissa Forma fulminis est ictus violentus primum in nubibus postea
 in materia pericussa, insuperq; motus imperuosus cum fragore, & fulgore terri-
 bilibus. Finis est varius: scilicet ut sit signum omnipotentis Dei, terror gentium
 ob flagitia & poena impiorum, vel etiam aliorum ad exemplum: Qui enim
 simili in nubibus Deos Horribilia tonitrua etiam significant impetus bellorum, Ps. 83. 7. 9.
 & concursus gentium ad bella. Sunt signa commotionis virtutum celorum ante
 ultimum diem: Boni solatio mali timori. Alias suas causas effectus na-
 turaliter denotant, possuntq; plura ex adjunctis colligi.

FINIS.



RESPONDENTI
 GEORGIO EISENBINNERO:

Diversos hominum mores vidisti per urbes,
 Clarâq; Magnorum novisse extollere facta:
 Antiquâ titulos â gente r. ferre celebres,
 Repræclara quidem: Sunt auripondera fulvi
 Grata: Sed & majus decus, est & gloria major,
 Palladis ingenium multum sudasse per artes,
 Atq; sua aciem specimen dare sedulitati.
 Cum vero talium quæq; te prestare labores,
 Jamq; iterum properes cathedram conscendere doctam,
 Gratulor ex animo letet tibi, chære GEORGI,
 Et precor, arduum DEUS ipse laboribus adsit.

Εὐφρίδας καὶ Φίλος ἐνέκα, F.

Casparus Schvvertelius Jun.
 Coburg. Fr.

